

益蜀戲帝詩集

蠲戲齋詩前集上

及門

張立民
楊蔭林

輯錄

蘭亭

吾家山水窟領要眇其人
不有箕穎懷安致黃虞淳永
嘉昔喪亂寄泊多名倫蕭條
八代士每與巖壑親就中
數高韻獨豔臨河文緣會豈
不嗣翰墨自有神適物欣
甦得盡化悟空身遠符柱下
言密接西來因冥冥眾累
廓罔罔天宇新藹藹時物楸
穆穆和理臻仰悲玄匠徂
千載喪其真希世無勝流觸
網無恬鱗寂默垂故松參
差秀新筠光風散崇阿雜英
拂澗濱形穢孰堪制杖策
聊此巡希夷順貞觀飛躍露
天鈞尙想榮叟歡永託支

公鄰歸根在日損豈用憂蒙屯

附釋肇安和作

宇宙一貞觀終古祇斯人品類雖萬殊在理無疵醇
汶嶺天下奇昔謂莫與倫今知會稽美不異岷峨親
夙願良已訓況復攬玄文按指發海印捧足來地神
孰云死生大共此山河身趣舍自靡常靜躁將誰因
俯仰一以契交臂而得新道人有餘樂羣彥亦響臻
惠風渺千載旦暮同一眞湛翁豈異流如海集眾鱗
崖松茂天枝澗竹養初筠寄心雙林下接蹤泗水濱
示我蘭亭詩咨嗟日數巡目擊言已忘浩然齊大鈞
逸少如可作支公猶比鄰善哉逍遙遊亨矣雲雷屯

西溪感興示同遊諸子

恭承昊天惠及此泮，
奐遊昭我以日月，
怡我以林丘。
時物正蕃秀，
草木何油油。
朋來成共濟，
駕言憩中洲。
曲泓湛含暉，
遠山青入樓。
聊披萬古心，
一豁千里眸。
眾鳥鳴相呼，
和聲若琳瑯。
閑閑彼桑者，
亦各有其謀。
默存皆道妙，
萬物同一流。
斯人信誰與，
知命復何憂。
溪闢溯通川，
逍遙陶嘉辰。
攬茲山水聚，
叙我平生親。
禹勤今乃粒，
孔憂昔知津。
耕巖愧力孱，
讓隈德未賓。
愍彼飲食訟，
益歎禮樂神。
不因歲寒至，
何由見陽春。
剝窮諒有終，
復亨當反淳。
豈不同民患，
庶以安吾仁。
溪山夫何遠，
鷗鳥誰能馴。
歸路踏明月，
詠歌行採薪。

舜水祠堂詩

改運棄方策乘桴緬耆耇癉怒紛禹甸靈光闕越紐卓
惟舜水翁秉精值陽九否傾祚已隕式遏義不朽繫組
畢殷腴抱器從箕後貞德翳海隅跡窮道彌阜居陋徵
禮失辨亾哀政莠遠人知好賢執贄徧卿后躬被六藝
澤世嚴瞽宗守異國饗更老在邦遺草藪先民有桀度
後生忘所受微風隕霜葉因物胡不有瞻眄及茲辰負
乘爲功首豪士陵九州楹廟列圭卣誦烈薄前修饗名
乃多取直道豈不存豐沬惟見斗感彼烝民瘥失此仁
賢牖神明睠故都懷宇起新畝典錄有荒墜邊豆庶無
垢作詩著英聲持以風閭右

金叟招遊鴛湖訪嚴助朱買臣墓共汎二日留連諸勝
述此寄興兼以爲謝

湖陰五月秋妙應心地涼乘鷺蹇臨汎諧偶亦其常川
涂似掌平鴛鴦或在梁觀深境自寂理得物初忘尙尋
塔寺迴因瞻宰壠荒朱輪信何算不如坐枯桑

按嚴朱

並以文學進而俱不免刑僇其君臣之際蓋無足言

靈

橈澹容與天遣安滄浪近流知赴海遠樹訝連岡目擊
玄旨存淹留愧迎將迴軫占雨吉高情記水長誰謂跡
易陳共此無盡光願賡井里謠再睹生民康

贈郭起庭

郭君善刻印沈乙盦金香嚴兩叟並作詩稱之囑予

玄鑒入海印萬象森目前攬此文彩彰妙盡躡迹緣來
風善爲辨拈提到甌甌摹印出繆篆但取官私便後來
立宗匠好事遞有傳釋心輦輓外靜寄文房妍孰非性
德流失以柔道牽多君秉寸鐵力可摧羣堅割取雞玉
佩鏤出天龍翩摩挹秦漢上思逸威音先一法幻無盡
倏變手眼千滌湖二老翁示我讚喜篇明珠傾栲栳五
色隨方宜吾才慚數寶要令鼻孔穿揮斤同說法著楔
寧礙玄青山君故業白雲誰家禪頗疑陸互石何事問
南泉祇今恣瑤琢遇物任方圓爲復神通爾爲復法如
然信知月可斧將謂心善淵三句超空水一劄徹中邊

請看無文印又作麼生鐫

贈郭奇遠

奇遠年五十寄自壽詩索和作此答之

昔別君未壯形態如老翁今聞始艾年顏貌轉勝童何
道實致之不曰仁在中著書挾膏肓

光緒中譚嗣同著

仁學一時驚爲異書君作仁仁學闢之甚力

觀變知雌

雄老來嗜欲盡翳彼巖下松同遊數年少入世隨轉蓬

或以賁其須或至不有躬人情限通塞憂喜因狙公枇

康豈足鑄況乃浮雲空理勝臞者肥陋彼黃屋崇落落

衡門居食薇弗敢充何用持贈君內寂斯外融無爲嗟

日昃貴以全天衷嘉名錫輔嗣

君少時慕王輔嗣之爲

人因名弼物論歸林宗二賢久尸祝於今猶瞍矇達命
在祛知耳順始黜聰吾言儻默成鼓缶尙玄同忘年復
忘慮俾壽齊龜龍謝子文信美拙書將安庸謝无量爲
文以壽君作詩勸加餐雖短亦可風

崇福寺有懷琇禪師

昔聞龍池老下茁雙枝森密雲與天隱各各揚璆琳琇
師鳳皇兒時號甘露樹能紹法王法柔伏人王心四誓
出本分下語如斷金儒生不見性在坐猶聾瘖我來伸
臂頃鍾鼓條已沈誰知七寶坊尙隱嘉樹林蒼苔生佛
閣斷碣無人尋寺有石刻琇師畫像清世宗題讚
翻晒

刻畫勞空對溪壑陰巖阿發樵唱密葉遞鳴禽夕暉仰

靈光微風動妙音世諦有興廢斯人無古今殿影終幢
幢山容亦悄悄曹溪真蠱鄉不祓塵土襟溟渤何端倪
域此一寸涔緣感令予歎惻然遂成吟孰悟無聲詩儻
遇連山琴

孤舟山

藏山幸有澤虛舟如可超伊誰名此山天路信漂搖愚
論夷須彌豈異膠堂坳排空出陵峴置屋懸繩牢江浮
綠野靜日盪黃雲高上有孤鳳皇悲鳴求其曹下有僊
靈過將非成與喬谷深柔兕虎林廣散猿猱穴禽識風
雨海客玩波濤奔車無仲尼姑射喪神堯境動由心危
理順智亦消終朝如介石萬里眞秋豪獨留漁父磯永

失竈鼉驕曳輪匪利涉久軫生民勞昔來悟今適予衰
謝印招言窮未濟占歸賡耆氏謠

亂後登法華山寄南湖金叟

久息區中緣暫尋人外遊天衢在翠微豈必崑崙丘寒
日何碗碗松風正瀏瀏草枯鷹隼逝水落罾網收驚禽
或依磐頰鱗尚守湫戎衣塞四國未改林泉幽理極物
自虛心亨適無尤嗟彼風波民如覆坳堂舟以茲悟生
忍仰順大化流問訊茹芝翁一洗周墟憂

登超山頂寄肇師

好山予久要老尚愛登陟消搖八紘內豈假垂雲翼到
眼無邊春泮奐吾猶及放身天地寬荷此雙趺力由來

佛頂步帝坐光如墨萬靈盡回拱千聖通呼吸川原似
掌平言界羣生息丘陵互紛錯伊予愧玄德遙憐波旬
怒坐使虛空灰山椒千丈松知是何人植行樹淨鋪茵
風來香雨集石臺聽法眾拄笏儼然立孰云楞伽境孤
峻不可卽別峯有相見忘身在嵒嶠南招禹穴近西望
流沙極聊盡一日歡仰訊九年默

佛日寺坐雨

久嚮佛日山及來山雨下落處人不知此雨良無價山
僧亦解揖肅客傾茶罷樵人戴笠來松蘿兩肩挂老夫
冷眼看曉行盡如夜舉足踏頂顙開口問家舍不見弄
潮人但指湍流瀉衝雨且復行夕陽在林罅

皋亭山曉望

落月照檐楹稀星隱林端未明貪曙色拂露登前巒冥冥
冥眾山小滄滄日氣寒百里見煙霏島樹縈層瀾潛如
在藻魚驟若淩風翰騰游散僊躋儼立森天冠氣初何
沈寥物情異渟湍變滅自須臾萬象誰控搏乃知器界
幻陽燄同一觀嵐開失匹練日上如彈丸巖鳥鳴相呼
樵夫出林看念彼鋒鏑餘所幸山澤寬見往識有復危
者遺其安蝮蛇菹中居舜禹將何歡豈免玄髮素尙戀
青楓丹王喬不可期從我朝霞餐

寒露園

皋亭多菌生松下叢草中寒露後乃有之野人謂之

寒露菌然味薄易敗非菜茹之良者也丙寅九月信
宿山中取以供饌遂作此詩

密林翳寒日露下風刁刁千章何蒙茸覆此徑寸苗流
濕始有滋榮悴在一朝憐彼根蒂微豈識秋旻高野人
矜地味薦俎同溪毛柔甘取慙適雜毒誰能銷充腸事
易足謝爾采摘勞服餌求列僊客養計已饗萬物自相
盜膏火徒煎熬鉤吻善殺人穀食亦令天鰕鮓啖沮洳
戎馬生廣郊撻蓬指髑髏鼠穴俯僬僥蒸成信一機生
死元同條出門虎跡亂倚樹方鳴鵠寄語采芝人勿愛

南山招

登天台觀石梁瀑布

至游務貞觀歸寂念行迷久閤川上吟今與智者期山
澤氣相求心亨物無睽九寓納塵芥羣生猶醯雞步虛
尋鳥跡冥想追天梯開襟當日月飛躋陵虹霓羽人翳
丹丘不睹僊靈栖王喬已沖舉局促哀烝黎宴坐蔑應
眞密林尚招提有情終變滅但餘風日淒瀑流自太古
下注萬仞谿共工不敢觸長使蛟龍悲呂梁信安蹈溟
渤何端倪大化本無心眾甫焉可齊緣象皆滯言所適
無故蹊疲氓守耕鑿猛士耽鼓輦疇能移巨壑夷夏同
夸毗潭幽止奔瀨巖潤豐春蕘在宥恆不遷虎兕安容
窺養痾混樵隱庶以忘町畦

與葉左文陳伯治同遊爛柯山登石梁相約賦詩別後

卻寄

觀象貴止止逐物長滔滔久要適吾願豈曰事遊敖
恭懷舍慙情萬古時一遭伊昔託僊靈庶近巢由逃
谷虛心已領黜此耳目勞隤然示卑下孰能見崇
高悟天在山中九域真秋豪斧斤爾何施噓氣爲
虹橋鑿石者誰子安知鸞與鶚眾愚競名字幻滅
同焄蒿厚坤夫何言靈境鬱嵯峨夷險繇人興
吾欲終芻蕘歸路風雨疾飲我以醇醪將忘忽
復憶和歌遂成謠

上留田行

野鳥飢食髑髏上留田平地生出王侯上留田
民命賤如蚍蜉上留田出門但見戈矛上留田
大雪已沒九州

上留田昨日歡會烹羊與牛上留田今日兄弟變爲怨
仇上留田翻覆皆用汝謀上留田狐狸不守一丘上留
田日出東方明月光西流上留田滿堂舉酒相醺上留
田祝爾萬歲千秋上留田

五噫

力田不遇豐年噫治國不用仁賢噫養子盡如鷹鷂噫
掘井誰見及泉噫服藥不得上僊噫

鴛湖高士祠讌集分賦

哲人示權化智應在玄樞遵時異語默孰則非吾徒性
德見無方藏顯因有殊振育法蠱上遠厲戒遯初豈不
同民患將爲達士模樵李富隱淪祠觀臨澄湖三高昔